

Headlines

- उपराज्यपाल मनोज सिन्हा होरें स्कास्ट कश्मीर दे दीक्षारम्भ कार्यक्रम च आखेया जे विकसित भारत लेई स्हाड़ा मुंडला लक्ष उपरोतली 5 प्रतिशत विकास दर दी रफ्तार गी बरोबर बनाई रखना होना लोडचदा।
- मुख्मन्त्री उमर अब्दुल्ला होरें जम्मू-कश्मीर च रमानदारी गी यकीनी बनाने ते तरक्की गी रफ्तार देने दे धेइयै गी पक्का करदे होई आखेया जे सरकार विकास-नागरिकें दे आत्म-सम्मान ते खुशहाली गी तरजीह देआ करदी ऐ।
- 4 बरे दे वक्फे परैन्त दरबार मूव दी प्रक्रिया परतियै शुरु- हफ्ते च 6 दिन खुल्लने आहले दफ्तर अज्जै थमां श्रीनगर च बंद।
- जम्मू प्रांतै दे पहाड़ी जिलें च रियायती दरें पर हैलीकाप्टर सेवा कल्लै थमां शुरु होआ'रदी ऐ।
- 5मां कश्मीर विश्व फिल्मोत्सव अज्जै थमां श्रीनगर च शुरु- फिल्म निर्माण ते सैलसफा गी बढ़ावा थोने दी मेद।

<><><><><>

LG SKUAST (Byte)

उपराज्यपाल मनोज सिन्हा होरें भारत च 5 फीसदी सलाना विकास दर हासल करने आस्तै राई-बाई ते सरबन्धित क्षेत्रें च विकास दी रफ्तार तेज करने पर जोर दिता। SKUAST कश्मीर दे “दीक्षारम्भ” कार्यक्रम दौरान उनें AI- आधारित राई-बाई- उच्चे मुल्ल आहली फसलें च बन्न-सब्वनता ते राई-बाई शिक्षा च सुधार करने दी वकालत कीती। उपराज्यपाल होरें मुख्मन्त्री भरै दे विद्यार्थियें कन्नै “मिनी इंडिया” बनने लेई SKUAST कश्मीर दी सराहना कीती ते उनेंगी एकता दा दूत करार दिता। इस मौके पर नौजवानें गी गुजारिश कीती जे ओह राष्ट्र गी मजबूत बनाने आस्तै अपनी वचनबद्धता गी फही पक्का करन। उपराज्यपाल मनोज सिन्हा होरें आखेया.....(बाईट)

<><><><><>

CM Development (Byte)

मुख्मन्त्री उमर अब्दुल्ला होरें आखेया जे उंदी सरकार लोकें कन्नै कीते गेदे वायदें गी पूरा करने ते खिते गी तरक्की ते खुशहाली दी बतै पर लेई जाने लेई मार्गदर्शन करने गितै पक्का धेइया मनै च लेइयै जम्मू-कश्मीर च विकास रमानदारी ते लोकें दे आत्म-सम्मान गी तरजीह देआ करदी ऐ। कल झेलम दरेया पर कमरवाड़ी थाहर नूहजहां पुलै दा उदघाटन करदे मौके-उत्थे मजदू किट्टै गी सम्बोधित करदे होई मुख्मन्त्री होरें आखेया जे सरकार श्रीनगर दियें बधदियें शैहरी जरूरतें गी ध्यानै च रखदे होई कुशल ट्रांसपोर्ट ढांचा ते बवस्था तयार करने ते टिकाऊ विकास जकीनी बनाने लेई दृढ संकल्प ऐ। उनें लोकें गी जकीन दोआया जे प्रशासन उंदी हर जायज मंग गी पैहल दी बिनाह पर पूरा करने ते उंदे मुद्दें दा नबेड़ा करने दे कन्नो-कन्नी उन्दे कन्नै कीते गेदे हर वायदें गी पूरा करने लेई वचन बज्जे दा ऐ। उनें आखेया.....(बाईट)

<><><><><>

Darbar Move

चंऊ बरे दे अंतराल मगरा 6-6 महीने दे वक्फे दे बाद होने आहली ऐतिहासिक “दरबार मूव” प्रथा अज्जै थमां परतियै शुरु होआ रदी ऐ। श्रीनगर च कल हफ्ते दे पंज दिनें तगर कम्म करने आहले दफ्तर बंद होई गे जिसलै के 6 दिनें तगर कम्म करने आहले दफ्तर अज्ज बंद होई जागंन। जम्मू च एह सब्भै दफ्तर सोमवारें 3 नवम्बर गी परतियै खुल्ली जागंन। जम्मू-कश्मीर सिडक ट्रांसपोर्ट कार्पोरेशन नै अज्ज ते कल मुलाजिमें लेई लोडचदी गड्डियें दा बंदोबस्त कीते दा ऐ। इस गैह दे इक हिस्से दे तौर पर मुख्मन्त्री सचिवालय सन्नै 39 प्रमुख दफ्तर पूरी चाल्ली जम्मू च मुंतकिल कीते जागंन, जिसलै के 47 मैहकमें आंशिक तौरा पर इत्थे औंदे जागंन। गौरतलब ऐ जे 147 बरे पैहले डोगरा राजवंश आसेया रणनीतिक ते जलवायु कारणें करी शुरु कीती गेदी “दरबार मूव” दी प्रथा गी खर्चे घट्ट करने आस्तै 2021 च बंद करी दिता गया हा।

<><><><><>

Assembly Session Concluded

जम्मू-कश्मीर विधान सभा दा इजलास जंदे रोज समाप्त होई गया जेदे च विचार-विमर्श ते विदायी कर्तव्यें दे प्रति नमें सिरिया समर्पण कीता गया। स्पीकर अब्दुल रहीम राथर होरें केन्द्र शासित प्रदेश थमां राज्यसभा दियें चंडू सीटें लेई चुनां ते केई महत्वपूर्ण बिलें गी मंजूरी देने आहले नौ दिनें दे इस सत्र दे समापन दी घोषणा हुन्दे गै विधानसभा दी कारवाई अनमित्थे समें आस्तै स्थगित करी दिती गई। सत्र दे समापन पर स्पीकर अब्दुल रहीम राथर होरें सदन दी कारवाई गी सुचारु ढंगे कन्नै चलाने च सैहयोग ते समर्थन देने लेई सब्भतें सदस्यें दा धन्नवाद कीता।

<><><><><><>

Heli Services

कल थमां जम्मू खिते दे पहाड़ी ते बर्फ कन्नै खटोए दे इलाकें च सब्सिडी आहली हेलीकाप्टर सेवां शुरु होई जागंन जेहदे कन्नै मुकामी बसनीकें गी बड़ी मती राहत थहोग। जंदे रोज जम्मू दे डिवीजनल कमीशनर रमेश कुमार हुंदी अध्यक्षता च इस अभियान गी शुरु करने दियें तयारियें दा जायजा लैता गया। एह सेवा जम्मू गी पुंछ-मेंढर-रजौरी-डोडा ते किश्तवाड़ कन्नै जोडोग ते स्यालै दौरान किफायती ते भरोसेजोग ब्हाई सम्पर्क उपबल्ल करोआग। अधिकारियें दस्सेया जे इस पैहलकदमी कन्नै यात्रा सरबन्धी मुश्कलें गी घट्ट कीता जाई सकोग-जरुरी सेवाएं तगर पुज्ज च सुधार होग ते जम्मू खिते दे पहाड़ी जिलें च इलाकाई सम्पर्क च बादा होग।

<><><><><><>

Jmu Train Ops (Byte)

जंदे अगस्त म्हीने खिते च भारी बरखा करी होए दे नुक्सान दे मगरा रेल सरिस्ते गी हुन परतियै बल्लें-बल्लें पूरी चाल्ली ब्हाल कीता जा'रदा ऐ। इस अभियान दे 6में गेड़ तैह्त्त जम्मू ते कटरा थमां लम्मे पैंडे आह्लियां 4 ट्रेनां, अपनियां सेवां फही शुरु करा' रदियां न। आकाशवाणी दे जम्मू संवाददाता दी रिपोर्ट मूजब, श्री माता वैश्वो देवी कटरा थमां योगनगरी ऋशिकेश लेई चलने आहली ट्रेन अज्ज फही शुरु होई जाह्ग जिसलै के श्री माता वैश्वो देवी कटरा थमां कोटा लेई चलने आहली ट्रेन कल 2 नवम्बर थमां अपनी सेवा शुरु करी देग। इसै चाल्ली जम्मू तवी थमां बांद्रा टर्मिनस मुम्बई तोहड़ी चलने आहली ट्रेन नम्बर 19028, औंदी 3 नवम्बर थमां फही शुरु होग ते श्री माता वैश्वो देवी कटरा थमां कामाख्या लेई चलने आहली ट्रेन नम्बर 15656, औंदी 5 नवम्बर थमां संचालन फही शुरु करी देग। जम्मू रेलवे डिवीजन दे वरिष्ठ डिवीजनल कर्मिश्नियल मैनेजर उचित सिंघल होरें दस्सेआ ऐ जे पिच्छले द'उं म्हीने दरन 5 गेड़ कामयाबी कन्नै पूरे कीते गे न ते औंदे नवम्बर म्हीने थमां इस अभियान दे 6में गेड़ तैह्त्त लम्मे पैंडे आह्लियां 4 रेलगड्डियां फही शुरु कीतीआं जा'रदिआं न।

<><><><><><>

CS Education

मुख्य सचिव अटल डुल्लु होरें जम्मू-कश्मीर च उच्च शिक्षा दे क्षेत्र च सुधार ते बेहतरी आहन्ने लेई इक व्यापक रुपरेखा तयार करने दी जरुरतै पर जोर दिता ऐ। इक उच्च सतह दी बैठका दी अध्यक्षता करदे होई उ'ने उच्च शिक्षा मैहकमे गी निर्देश दिता जे शैक्षणिक मानकें गी बधाने ते शिक्षा गी तकनीक ते बजारै दियें जरुरतें कन्नै जोड़ने लेई 5 कोला 10 बरे दी इक नीतिगत योजना तयार कीती जा। अटल डुल्लु होरें अगरे आखेया जे उच्च शिक्षा दे पाठयक्रम ते पढ़ाने ते सिखलाई देने दे तौर-तरीकें गी इस चाल्ली तयार कीता जाना लोड़चदा- जेहदे नै पढ़ाई पूरी करने दे बाद नौजवानें गी अपना भविष्य सोआरने ते कम्म-रोजगार हासल करने च कोई दिक्कत पेश नैई आवै। उ'ने एहदे लेई केन्द्री शिक्षा मंत्रालय-नीति आयोग ते उच्च शिक्षा परिषद कोला सलाह ते मार्ग-दर्शन हासल करने दी बी सलाह दिती तांजे नीति निर्माण ते संस्थागत उत्कृष्टता हासल कीती जाई सकै।

<><><><><><>

Prog. Announcement

आकाशवाणी जम्मू दा क्षेत्रीय समाचार एकांश जम्मू-कश्मीर आजीविका मिशन दे तैह्त्त आप सहायता समूहें राएं महिला सशक्तिकरण विशे पर 30एं मिन्टै दा विशेष चर्चा कार्यक्रम पेश करा'रदा ऐ। एह् खास प्रसारण अज्ज दपैहरी साङ्ग 12 बजे प्रसारित कीता जाग। स्हाङ्गे परौह्ने जम्मू-कश्मीर ग्रामीण आजीविका मिशन दियां मिशन निदेशक शुर्भा शर्मा, कार्यक्रम दे विशे पर अपने माहिराना विचार सांझे करडन। इस कार्यक्रम दी मेजबानी स्हाङ्गी एंकर श्रुति खजूरिया करडन। एह् कार्यक्रम तुस इस्सै चैनल मीडियम वेब 303 मीटर यानि 990 किलोहर्टज ते एफ.एम 100 अशारिया 3 मीटर हर्टज पर सुनी सकदे ओ।

<><><><><><>

KWFF

5मां कश्मीर विश्व फिल्मोत्सव अज्जै थमां शुरु होआ रदा ऐ। 7 नवम्बर धोड़ी चलने आहले इस फिल्मोत्सव दा उदघाटन अज्ज श्रीनगर दे टैगोर हाल च कीता जाग। इनें 7एं दिनें दौरान भारत ते विदेशें थमां ताली गेदियां 60 फिल्मां दस्सियां जाहगंन- जिंदे च दर्शकें गी फिल्म निर्माण कौशल दे इलावा बक्ख कलाएं सांस्कृतियें ते भाषाएं दा बी बनसब्बना छलैपा दिक्खत्ते गी लब्बोग। इस आयोजन थमां मेद कीती जा रदी ऐ जे एह्दे नै फिल्में ते फिल्म निर्माण गी लेइयै लोकें च दिलचस्पी बधोग- मते-मते सैलानी इत बक्खी आकर्षत होगंन। कश्मीर दी खूबसूरती गी उजागर कीता जाहग ते दुनिया भरै दे फिल्म निर्माताएं-दर्शकें ते क्षेत्रीय सांस्कृतिक मेलें गी मजबूती देने दा बी मौका थोग।

<><><><><><>